

**Razvojna banka Federacije
Bosne i Hercegovine
Predsjednik Uprave**

Broj: 6878-III/21
Sarajevo, 26.7.2021. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj: 6845-XI/21 od 26.7.2021. godine i člana 20. Statuta Razvojne banke Federacije Bosne i Hercegovine, u postupku javne nabavke prehrambenih artikala i napitaka za potrebe Razvojne banke Federacije BiH za period 12 mjeseci, v.d. predsjednik Uprave Banke donosi

ODLUKU

o izboru najpovoljnijeg ponuđača u postupku javne nabavke prehrambenih artikala i napitaka za potrebe Razvojne banke Federacije BiH

I

Prihvata se preporuka Komisije za nabavke iz Zapisnika o pregledu i ocijeni ponuda broj 6845-XI/21 od 26.7.2021. godine i okvirni sporazum za nabavku prehrambenih artikala i napitaka za potrebe Razvojne banke Federacije BiH dodjeljuje se ponuđaču D.O.O. REDEX Banovići, 10. Septembar br. 88 A, Banovići, prema fiksnim jediničnim cijenama iz obrasca za cijenu ponude-robe, umanjenim u skladu sa rezultatima provedene E-aukcije.

II

Nakon isteka roka za žalbu, Okvirni sporazum će se sa izabranim ponuđačem zaključiti na procijenjenu vrijednost nabavke u skladu sa uslovima i kriterijima utvrđenim u obavještenju o nabavci i tenderskoj dokumentaciji.

III

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

IV

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom broj 6267-III/21 godine, odobreno je pokretanje postupka javne nabavke prehrambenih artikala i napitaka za potrebe Razvojne banke Federacije BiH za period 12 mjeseci. Javna nabavka je provedena putem Konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 12.000,00 KM.

Obavještenje o nabavci predmetne robe objavljeno je na Portalu javnih nabavki dana 07.7.2021. godine, broj obavještenja: 1011-7-1-351-3-20/21.

Tenderska dokumentacija objavljena je zajedno sa obavještenjem.

Odlukom Ugovornog organa broj 2715-III/21 od 24.3.2021. godine. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je evidentirano da su pravovremeno pristigle 3 (tri) ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	DEFTER d.o.o. Sarajevo, Gatačka br. 20, 71000 Sarajevo	19.7.2021. godine u 08:55 h	177,46	0,00	177,46
2.	D.O.O. „REDEX“ Banovići, 10. septembar, br.88 A 75290 Banovići	19.7.2021. godine u 09:50 h	199,00	0,00	199,00
3.	TPDC „SARAJEVO“ d.d. Sarajevo, Rajlovačka bb, 71000 Sarajevo	19.7.2021. godine u 10:35	116,55	0,00	116,55

Na osnovu izvršene analize i ocjene pristiglih ponuda, Komisija je utvrdila sljedeće:

- ponude ponuđača DEFTER d.o.o. Sarajevo i D.o.o. REDEX Banovići su prihvatljive,
- ponuda ponuđača TPDC „SARAJEVO“ d.d. Sarajevo nije prihvatljiva iz sljedećih razloga:

Tačkom 8. tenderske dokumentacije definisano je da je ponuđač dužan ponuditi zahtijevanu robu, na način da odgovara svim zahtjevima navedenim u tenderskoj dokumentaciji, odnosno obrascu za cijenu ponude-robe koji je sastavni dio tenderske dokumentacije (Aneks VI tenderske dokumentacije).

Tačkom 10. tenderske dokumentacije definisano je da sve ponudene stavke moraju zadovoljiti zahtjeve iz specifikacije, u suprotnom ponuda se odbacuje kao neprihvatljiva.

U specifikaciji ponuđača TPDC „SARAJEVO“ d.d. Sarajevo, odnosno obrascu za cijenu ponude, artikli navedeni pod rednim brojevima 36. i 37. ne odgovaraju traženim zahtjevima.

Naime pod rednim brojem 36. tražen je artikl sa opisom:

„Vafel proizvod s kokosom i cijelim bademom, pakovanje 150g.“, te je ponuđač naveo proizvođača „Bambi“ i zemlju porijeklu „Srbiju“. Prema dostupnim informacijama utvrđeno je da proizvođač „Bambi“ iz Srbije nema u ponudi traženi artikl, odnosno nema „Vafel proizvod s kokosom i cijelim bademom, pakovanje 150g“.

Pod rednim brojem 37. tražen je artikl sa opisom:

„Bombonjera pakovanje 250 g. sa 8 vrsta odabranih čokoladnih specijaliteta, štapićastog oblika zasebno pakovanih“, te je ponuđač naveo ponuđača „Kraš“ i zemlju porijekla „Hrvatsku“. Prema dostupnim informacijama utvrđeno je da proizvođač „Kraš“ iz Hrvatske nema u ponudi traženi artikl, odnosno nema „Bombonjera pakovanje 250 g. sa 8 vrsta odabranih čokoladnih specijaliteta, štapićastog oblika zasebno pakovanih“.

Imajući u vidu prethodno navedeno, a u skladu sa članom 68. stav (4) tačka i) Zakona o javnim nabavkama Komisija za javne nabavke je odbacila ponudu jer ista nije potpuna i ne ispunjava zahtjeve iz tenderske dokumentacije.

S obzirom da je tačkom 24. tenderske dokumentacije predviđeno provođenje e-aukcije u skladu sa Pravilnikom o uslovima i načinu korištenja e-aukcije (Službeni glasnik BiH broj 66/16), za ponuđače koji su dostavili prihvatljive ponude zakazana je e-aukcija za ponedjeljak 26.7.2021. godine sa početkom u 10:00 h. Predviđeno je da će e-aukcija trajati 15 minuta.

E-aukcija je počela u 10:00 h, a završila u 10:15 h.

Rangiranje prihvatljivih ponuda prema kriteriju za izbor ponude (najniža cijena) nakon provedene e-aukcije:

R. Br.	Ponuđač	Ukupna cijena ponude (bez PDV-a) u KM	Rang
1.	D.O.O. „REDEX“ Banovići	177,29	1
2.	DEFTER d.o.o. Sarajevo	177,46	2

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponudača, te pregled i ocjenu ponuda, u skladu sa kriterijima iz tenderske dokumentacije.

Procijenjena vrijednost nabavke, iznosi 12.000,00 KM bez PDV-a i na ovaj iznos će Ugovorni organ zaključiti okvirni sporazum na 12 mjeseci, računajući od dana stupanja okvirnog sporazuma na snagu, odnosno do isteka finansijskih sredstava, zavisno koji se kriterijum prvi ispuni.

Procijenjena vrijednost okvirnog sporazuma predstavlja gornji prag vrijednosti do kojeg okvirni sporazum pojedinačnim ugovorima unutar okvirnog sporazuma može biti iscrpljen/iskorišten.

Obračun izvršenja pojedinačnog ugovora unutar okvirnog sporazuma vršit će se prema fiksnim jediničnim cijenama iz obrasca za cijenu ponude-robe, umanjenim u skladu sa rezultatima provedene E-aukcije.

Imajući u vidu sve prethodno navedeno, odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba najkasnije u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



v.d. predsjednik Uprave

dr. sc. Semir Fežić

Dostaviti:

- Učesnicima u postupku